

Derogatio  
contrariorum

quam quavis auctoritate quomodolibet indebite molestari: Contradictores quoscumque per censuras, & poenas Ecclesiasticas, aliaque opportuna juris, & facti remedia appellatione postposita compescendo, invocato etiam ad hoc, si opus fuerit, auxilio brachii secularis.

§.7. Non obstantibus prædicta Sixti V., ac pie me. Bonifacii Papæ VIII. etiam Prædecessoris nostri de una, & in Concilio generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, statutis quoque, & consuetudinibus etiam juramento, confirmatione Apostolica, vel quavis firmitate alia roboratis, nec non privilegiis, indultis, & literis Apostolicis in contrarium præmissorum quomodolibet concessis, confirmatis, & approbatis. Quibus omnibus, & singulis, etiam si de illis, eorumque totis tenoribus specialis, specifica, & expressa mentio habenda esset, tenores huiusmodi, ac si de verbo ad verbum infererentur, præsentibus pro expressis, & ad verbum insertis habentes, illis alias in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque.

Dat. die 14.  
Julii 1606.  
An. II.

Datum Romæ apud S. Marcum, sub Annulo Piscatoris die 14. Julii 1606. Pontificatus nostri Anno II.

X L I V.

Quod Milites Militiarum Jesu Christi, Sancti Jacobi de Spata, & Sancti Benedicti de Avis Regni Portugallie, in quacumque Classe Regis Hispaniarum adversus Infideles, aut Hæreticos per quinquennium militantes, Commendas, & alia earumdem Militiarum beneficia consequi valeant, perinde ac si iuxta earum statuta, per triennium in Africa contra Infideles militaverint.

Charissimo in Christo filio nostro Philippo Portugallie, & Algarbiorum Regi Catholicæ.

PAULUS PAPA V.

Charissime in Christo fili noster salutem, & Apostolicam benedictionem.

Exordium.

Majestatis tuæ in Nos, & Apostolicam Sedem meritis inducimur, ut ejus votis, quantum cum Deo possumus, libenter annuamus.

Juxta harum Militiarum statuta, militis commendas, & beneficia consequi non possunt, nisi triennio in Africa cum duobus servientibus con-

§.1. Cum itaque, sicut accepimus, statutis, seu stabilimentis Militiarum Jesu Christi, Sancti Jacobi de Spata, & Sancti Benedicti de Avis Regni Portugallie, quarum Tu perpetuus Administrator Apostolica auctoritate deputatus existis, caveatur expresse, quod Milites dictarum Militiarum Præceptorias, Commendas, vel alia Beneficia consequi non possint, nisi prius inte-

grum triennium in partibus Africae cum duobus servientibus contra Infideles militaverint.

§.2. Tu vero animadvertens innumera damna, quæ a rebellibus Majestatis Tuæ Insularum Olandiæ, & in Zelandiæ Classe per eos nuper instructa, Mercatoribus, & aliis, qui ex Indiarum partibus ad tua Regna, & Dominia Europæ navigant, inferuntur, eorumdem piratarum conatibus obistere, & unam, vel plures ad hunc effectum ingentes classes instruere intendas, & ut classes tuæ militibus strenuis instruatur, cupis Apostolicæ benignitatis auctoritate per Nos indulgeri, ut Milites, qui in quacumque tua classe per quinquennium, una cum duobus servientibus pro tempore militaverint, Præceptorias cujusvis dictarum Militiarum perinde consequi valeant, ac si in Africa partibus per triennium militassent.

§.3. Nos tui in hac parte supplicationibus inclinati, eidem Majestati Tuæ concedimus, & indulgemus, ut quicumque Milites, qui in qualibet tua classe, contra Infideles tamen, aut Hæreticos, per quinquennium continuum tam æstivo, quam hiemali temporibus cum duobus servientibus militaverint, quascumque dictarum Militiarum, & cujusvis earum respective commendas, seu præceptorias consequi, & obtinere possint, & valeant, perinde ac si in Africa juxta prædicta statuta, & stabilimenta militassent.

§.4. Non obstantibus Constitutionibus, & Ordinationibus Apostolicis, ac dictarum Militiarum, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & approbatis. Quibus omnibus, & singulis, eorum tenores præsentibus pro expressis, & ad verbum insertis habentes, illis alias in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque.

Dat. Romæ apud S. Marcum, sub Annulo Piscatoris die 21. Julii 1606. An. II. (a)

tra Infideles militaverint.

Rex Hispaniarum petiit concedi, ut sufficiat ipsis quinquennio cum duobus servientibus, in quacumque classe militare.

Concedit Pontifex.

Quibuscumque non obstat.

Com-

(a) Sex post dies idem Pontifex confirmat leges nonnullas a Reformatore Urbis Maceratae pro eisdem Civitatis regimine latis, & quidem Constitutione, cui initium: *Hic quæ &c.*

X L V.

Ex Regest. in Secret. Brev.

Commissio Archiepiscopo Maguntino, ut per se ipsum, aut per Præpositum Ecclesiæ Hildeshemen., compellat undecim Vicarios Cleri Secularis Hildeshemen., qui Magistratum hæreticum in Protectionem assumpserunt, ad restituendas eidem Magistratui literas protectionis, illique renunciandum.

Ven. Fratri Archiepiscopo Maguntino Sacri Romani Imperii Principi Electori.

PAULUS PAPA V.

Ven. Frater salutem, & Apostolicam benedictionem.

Facti series.

§.1. Aures Nostas non sine animi dilectos filios undecim Vicarios Cleri Secularis Ecclesiæ Hildeshemen., ne Decano dictæ Ecclesiæ, qui in illos jurisdictionem habet, cogantur obedire in iis, quæ ad divinum cultum, & morum pertinent correctionem, ad Magistratum ejusdem Civitatis, qui hæresis labe etiam infectus dicitur, accessisse, illumque quasi in Protectorem sibi assumptum ab eo literas protectionis recepisse.

Commissio, de qua in rub.

§.2. Quare Nos huic malo protinus, ut par est, occurrere volentes, Fraternitati tuæ, de cujus pietate, prudentia, ac Religionis zelo plurimum in Domino confidimus, per præsentem committimus, & mandamus, ut per Te ipsum, aut per dilectum filium Præpositum Ecclesiæ Hildeshemenis a Te subdelegandum, prædictos undecim Vicarios Cleri Secularis Hildeshemen., qui Magistratum hæreticum adiverunt, & ab eo protectionem procuraverunt, ad restituendas eidem Magistratui literas protectionis huiusmodi, & ad illis in perpetuum renunciandum, & ne in futurum idem committant injungen. auctoritate nostra compellas. Quod si facere recusaverint, vel distulerint, eosdem, & quemlibet eorum a fructuum, & reddituum Ecclesiasticorum perceptione, donec id præstiterint, suspendas: Si vero diutius in eorum contumacia perstiterint, illos Ecclesiasticis Beneficiis, quæ obtinent, prives, & contra eosdem, per alias poenas, & censuras Ecclesiasticas, ac opportuna juris, & facti remedia appellatione postposita procedas, super quibus omnibus, & singulis eidem Fraternitati tuæ, & dicto Præposito a Te, ut præfertur, subdelegando, opportunam, & amplam tribuimus facultatem.

Derogatio contrariorum.

Dat. die 4. Augusti 1605 An. II.

§.3. Non obstantibus in contrarium factis quibuscumque.  
Datum Romæ apud Sanctum Marcum sub Annulo Piscatoris die 4. Augusti 1606. Pont. nostri Anno II.

X L V I.

Confirmatio Privilegiorum Congregationis Fratrum Ordinis Reformatorem Sancti Benedicti Regni Franciæ.

Ex Regest. in Secret. Brev.

PAULUS PAPA V.

Ad perpetuam rei memoriam.

Injuncti Nobis Apostolici muneris ratio postulat, ut sacrarum Religionum in militanti Ecclesia suaves in Domino fructus assidue præstantium paternam curam gerentes privilegia, gratias, & indulta illis a Romanis Pontificibus Prædecessoribus Nostis, & Apostolica Sede concessa, quo validius perpetuo subsistant, Apostolicæ confirmationis robore libenter communiamus.

Exordium.

§.1. Volentes igitur universam Congregationem Ordinis Fratrum Reformatorem Sancti Benedicti Regni Franciæ, ac ejusdem Congregationis generalem, & Fratres universos specialibus favoribus, & gratiis prosequi, ac eorum universos, & singulos a quibusvis excommunicationis, suspensionis, & interdictionis, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existant, ad effectum præsentium dumtaxat consequendum, harum serie absolventes, & absolutos fore censentes, supplicationibus nomine dilecti filii Isayæ Jaunay ejusdem Congregationis Generalis Nobis humiliter porrectis inclinati, omnia, & singula privilegia, immunitates, exemptiones, libertates, prerogativas, favores, facultates, concessiones, gratias, & indulta spiritualia, & temporalia eidem Congregationi, ejusque Generali, ac Fratribus universis, eorumque Domibus, Monasteriis, Ecclesiis, & locis Regularibus quibuscumque in dicto Regno consisten. per fel. recor. Sixtum V., Gregorium XIV., Clementem VIII., & quoscumque alios Romanos Pontifices Prædecessores Nostros, & Apostolicam Sedem sub quacumque verborum forma, & expressione in genere, vel in specie, aut alias quomodolibet concessa, ac pluries confirmata cum omnibus, & singulis in eis contentis clausulis, decretis, & declarationibus, ac singulas literas, tam sub plumbo, quam in forma Brevis, aut alias desuper confectas, quarum tenores præsentibus pro expressis haberi volumus, quatenus sint in usu, & non sint revocata, seu sub aliquibus revocationibus comprehensas, ac sacris Canonibus, & Concilii Tridentini decretis, & Constitutionibus Apostolicis non adversentur, tenore præsentium perpetuo confirmamus, & approbamus, ac illis perpetuas, & inviolabiles Apostolicæ firmitatis robur adjicimus.

Confirmatio, de qua in rub.

§.2. Quocirca Venerabilibus Fratribus Patriarchis, Archiepiscopis, Episcopis, & aliis locorum Ordinariis quibuscumque, nec non

Exequutio Ordinariis locorum commissis non

non dilecto filio Causarum Curia Camera Apostolica generali Auditori per presentes committimus, & mandamus, quatenus quilibet eorum, quandocumque fuerint requisiti, per se, vel alium, seu alios presentes literas, & in eis contenta quacumque solemniter publicantes, faciant auctoritate Nostra praedictos Generalem, & universos Fratres, ac quemlibet eorum praemissorum omnium, & singulorum effecta pacifice frui, & gaudere, non permittentes illos, & eorum singulos desuper a quoquam quavis auctoritate quomodolibet indebite molestari. Contradictores quoscumque per censuras, & poenas Ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii secularis.

Derogatio  
contrat.

§.3. Non obstantibus sel. recor. Bonifacii Papae VIII. Praedecessoris nostri de una, & in Concilio generali edita de duabus dietis, dummodo ultra tres dietas aliquis auctoritate presentium in Judicium non trahatur, aliisque Constitutionibus, & Ordinationibus Apostolicis, ac dictae Congregationis, & singulorum illius Monasteriorum, Ecclesiarum, & locorum Regularium quorumcumque, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & approbatis. Quibus omnibus, & singulis eorum, tenores praesentibus pro expressis, & ad verbum insertis habentes, hac vice dumtaxat specialiter, & expresse derogamus, necnon omnibus illis, quae singuli Praedecessores praedicti in eorum literis voluerunt non ob stare, ceterisque contrariis quibuscumque.

Transumpto-  
rum fides.

§.4. Volumus autem, ut praesentium transumptis, etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides adhibeatur, quae ipsis praesentibus adhiberetur, si forent exhibitae, vel offensa.

Dat. die 21.  
Augusti 1606.  
An. II.

Datum Romae apud Sanctum Marcum sub Annulo Piscatoris die 21. Augusti 1606. Pont. nostri Anno II.

Confirmatio, & innovatio privilegiorum Ordinis Beatae Mariae de Mercede Redemptionis Captivorum. Et approbatio Congregationis Reformatorem, seu Recollectorum, sub regimine Magistri Generalis, & aliorum Praelatorum ejusdem Ordinis.

Ordinem istum primo confirmavit Gregorius IX. in sua Constit. XLII. Devotionis Tom III. fol. 284.

PAULUS EPISCOPUS

SERVUS SERVORUM DEI

Ad perpetuam rei memoriam.

Inter omnes vitae regularis Ordines, quibus mysticum totum hoc militantis Ecclesiae corpus ad Christianam pietatis cultum dirigitur, ille in primis ex omni sui parte conspicuus nobis videtur, quem Beatissima Coelorum Regina ad Captivorum in Infidelium partibus misere servitium redemptionem, Sancto Raymundo de Penafort, & clara memoria Jacobo Aragonum Regi, necnon quondam Petro Nolasco primo illius Professori vitam ducerent in humanis, singulari quodam miserationis affectu sibi fore carissimum, revelavit, & felicitis recordationis Calistus Papa Tertius Praedecessor noster ceteris Ordinibus ratione quarti voti, quo illius Fratres se Infidelibus in Captivorum redemptionem pignus fore devovent, & obstringunt, celsiorem, & perfectiorem vocavit. Hic ipse Ordo jam inde ab Anno Domini 1208. in Civitate Barchinonen. ab eodem Jacobo Rege in die festo Sancti Laurentii Martyris sub Invocatione Beatae Mariae de Mercede, & Redemptionis Captivorum nuncupate institutus, & a pia memoria Gregorio Papa Nono etiam Praedecessore nostro a Nativitate ejusdem Domini 1230. a revelatione vero praedicta duodecimo, Pontificatus autem sui Octavo annis, in festivitate Sancti Antonii Abbatis confirmatus iis pietatis incrementis in corporum, animarumque Captivorum hujusmodi salutem scilicet eorum, aliis redimendis, aliis instituendis, aliisque in fide corroborandis opera, & sermone in dies magis magisque effloruit, ut quamplurimi Romani Pontifices similiter Praedecessores nostri non minus primam illius originem caelitus revelatam, quam pios hujusmodi progressus admirati, innumeras propemodum in eum gratias, & privilegia ex inexhausto Ecclesiae Dei Thesaurio Sedis Apostolicae benignitate depromptas, liberalissime contulerint.

Ordinis Com-  
mendatio.

alias 1235.

§.1. Cum autem sicut dilectus filius Ferdinandus de Sancto Jacobo ipsius Ordinis per Italiam Vicarius Generalis, tam suo quam dilectorum filiorum universorum ejusdem Ordinis professorum nominibus Nobis nuper exponi fecit, ipsi professores pri-

Ejusdem sup-  
plicatio pro  
suorum privi-  
legiorum con-  
firmatione.

privilegia hujusmodi pro firmiori illorum subsistentia per nos Apostolico munimine roborari, ac infra scripta fieri summo opere desiderant, idem Ferdinandus nominibus praedictis nobis humiliter supplicari fecit, quatenus privilegiis ipsis robor Apostolicae confirmationis adiacere, & infra scriptis annuere, ac alias desuper opportune providere de benignitate Apostolica dignaremur.

Hic Pont. confirmat, quatenus non sint revocata, & sacris Canonibus, & Concilio, Constitutionibusque Apostolicis contraria.

§.2. Nos igitur, qui vestigiis Praedecessorum hujusmodi, postquam ad Apostolatus apicem, meritis licet imparibus, divina favente clementia assumpti fuimus inherentes, peculiarique nostra erga Deiparam Virginem, primam, & veram hujus Ordinis Institutricem devotione addacti, non solum ad eorum, quae a tot Romanis Pontificibus Praedecessoribus nostris ad ipsius Ordinis tam spirituales, quam temporales decorem, & commodum concessa sunt, confirmationem, sed etiam eorum, quae ad ejusdem amplitudinem promovendam, uberiorisque fructus in vinea Domini proferendos opportuna videntur, corroboracionem propensissima voluntate inducimur, dictum Ferdinandum a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, necnon consideratione charissimi in Christo filii nostri Philippi Hispaniarum Regis Catholici nobis desuper, & humiliter supplicantis, omnia, & singula indulta, privilegia, decreta, Constitutiones Ordinationes, reformationes declarationes, ac provisiones quasque, auctoritatem, & potestatem, officium, & electionem Magistri Generalis, Vicariorum, Procuratorum, Visitationum, Provincialium Redemptorum Captivorum, Electorum, Definitorum, Commendatorum vocalium, aliorumque Officialium dicti Ordinis, Capitulumque tam Generalem, quam Provinciale, ejusdem celebrationem, necnon Provinciarum, Monasteriorum, Fratrum, & aliorum sub dicti Ordinis Regula, & Institutis dependentium gubernationem, directionem, curam, administrationem, visitationem, correctionem, unionem, & separationem concernentia, ac immunitates, exemptiones, libertates, prerogativas, antelaciones, praereminencias, licencias, facultates, concessiones, invocationes, favores, aliasque temporales gratias universas, necnon Apostolicas, tam sub plumbo, quam in forma brevis desuper quomodolibet expeditas literas, quas, & quae idem Gregorius Nonus, & recolendae memoriae Gregorius Papa Undecimus, Innocentius Quartus, & Octavus, Alexander Quartus, Sextus, Clemens Quartus, Sextus, & Septimus, Joannes Vigessimus secundus, Nicolaus Tertius, Quartus, & Quintus, Bonifacius Octavus, Urbanus Quintus, Martinus etiam Quintus, Eugenius Bull. Rom. Tom. V. Par. III.

nus Quartus, Pius Secundus, praedictus Callistus, Paulus Secundus, Tertius, & Quartus, Sixtus Quartus, Julius Secundus, & Tertius, Leo Decimus, & novissime Sixtus Quintus, & Clemens Octavus, ac alii quicumque Romani Pontifices Praedecessores nostri huic universo Ordini, ac singulis illius Provinciis, Monasteriis, Prioratibus, Domibus, & aliis regularibus locis, necnon Generali Magistro, illiusque, five ipsius Ordinis Vicario, seu Vicariis, Procuratoribus, Visitationibus, Provincialibus, Redemptoribus Captivorum, Electoribus, Definitoribus, Commendatoribus vocalibus, aliisque Officialibus praedictis quocumque nomine nuncupentur, ac ceteris illius Fratribus, & Religiosis quibuscumque tam in genere, quam in specie, etiam per modum communicationis, extensionis, & ampliationis, ac alias quomodolibet, & sub quibuscumque verborum formis, & expressionibus concesserunt, innovarunt, confirmarunt, & approbarunt, quorum omnium, & singulorum tenores, etiam si talia forent, quae specialem, & individua mentionem requirerent, praesentibus, ac si de verbo ad verbum infererentur, pro plene, & sufficienter expressis haberi volumus, (dummodo tamen sacris Canonibus, & decretis Concilii Tridentini, ac Constitutionibus Apostolicis contraria, & sub aliquibus revocationibus comprehensa non sint) Apostolica auctoritate tenore praesentium (exceptis tamen indultis, & concessionibus Indulgentiarum, ac peccatorum remissionibus, & relaxationibus) perpetuo approbamus, confirmamus, & innovamus, ac quatenus opus sit, ea omnia, & singula de novo concedimus, illisque perpetuae, & inviolabilis Apostolicae firmitatis robor adiciamus, ac omnes, & singulos, tam juris, quam facti, ac quorumcumque solemnitatum de usu, jure, vel consuetudine, aut alias quomodolibet requisitarum, ac in praemissis omittarum, necnon quoscumque alios etiam quantumvis substantiales defectus, si qui forsitan in eisdem, aut eorum aliquo quomodolibet intervenerint, supplemus.

Congregacionem Refo-  
ratorum seu  
Recollectorum  
hujus Ordinis  
cum eorum re-  
gulis, simili-  
ter confirmat.

§.3. Praeterea reformationem nonnullorum ejusdem Ordinis piorum Religiosorum virorum, quos perfectioris vitae amantes, aliquas domos reformatas, seu collectas nuncupatas in Provinciis Castellae, & Beticae, ubi sub arctioribus quibusdam vitae, & morum regulis longe a secularibus curis vivunt, juxta dicti Ordinis laudabiles Constitutiones per eos rigorosius, & strictius observari ceptas instituisse, cum non exigua animi nostri in Domino letitia percipimus, omniumque, & singularum Domorum hujusmodi erectionem, necnon omnes, & singulas antiquas dicti Ordinis Constitutiones, & Ordinationes per eos, ut praefertur, observari ceptas, quarum etiam tenores praesentibus pro plene, & sufficienter expressis haberi volumus (quatenus non sint revocate, nec decretis Concilii hujusmodi, aut aliis Canonice sanctionibus contrariantur) auctoritate, & tenore praedictis

F f etiam

Et Generali facultatem... Reforatorum Domo ubi que erigendi tribuit.

Hanc tamen Congregationem... Generali Ordine, aliusque Praelatis tota hinc supponit.

Clausula pro perpetua haru litterarum firmitate.

Exceptorum deputatio:

etiam perpetuo approbamus, & confirmamus. §.4. Ac Generali dicti Ordinis Magistro nunc, & pro tempore existenti, ut ubicumque locorum quascumque ejusdem Ordinis reformatas Domo, & Ecclesias canonice erigere, & instituire, libere, & licite valeat, similiter perpetuo concedimus, & indulgemus, ac etiam plenam, liberam, & omnimodam licentiam, auctoritatem, & potestatem tribuimus, & impertimur. §.5. Ceterum ne praetextu Reformationis hujusmodi unitatem dicti Ordinis aliquo tempore perturbari contingat, omnia, & singula domos, Ecclesias, & alia regularia loca sub eadem reformatione hucusque erecta, & instituta, ac de cetero in perpetuum erigenda, & instituenta, eorumque omnium, & singulorum Superiores, Fratres, Religiosos, & alias personas quascumque nunc, & pro tempore existentes, perpetuis futuris temporibus sub ejusdem Ordinis unitate remanere volumus, illaque, & illos Generali Magistro, Vicariis, Provincialibus, Visitatoribus, ceterisque Superioribus dicti Ordinis, praesentibus, & futuris in omnibus, & per omnia perpetuo quoque supponimus, & subicimus, ita ut Generali Magistro, Vicariis, Provincialibus, Visitatoribus, ceterisque Superioribus praedictis aequae ac ceteri Ordinis praedicti Fratres, & Religiosi subiant, & pareant, nec ab eadem unitate, & subiectione quovis praetextu, colore, vel ingenio se ullo unquam tempore sejungere, aut separare, vel eximere praesumant. §.6. Decernentes praesentes literas semper, & perpetuo validas, & efficaces esse, & fore, suorum plenarios, & integros effectus sortiri, & obtinere: sicque per quoscumque Judices etiam Commissarios quavis auctoritate fungentes, & causarum Palatii Apostolici Auditores, ac S. R. E. Cardinales, etiam de latere Legatos, dictaque Sedis Nuncios judicari, & definiri debere, irritum quoque, & inane quicquid secus super his a quoquam quavis auctoritate, scienter, vel ignoranter contigerit attentari. §.7. Necnon mandantes Venerabilibus Fratribus nostris Toletan., Ispalen., & Casaragustan. Archiepiscopis, quatenus ipsi, vel duo, aut unus eorum per se vel alium, seu alios, praesentes hujusmodi, ac in eis contenta quaecumque, ubi, & quando opus fuerit, ac quoties pro parte ipsorum Professorum, vel alicujus eorum fuerint requisiti, solemniter publicantes, illisque in praemissis efficacis defensionis praesidio assistentes faciant auctoritate nostra omnia, & singula praemissa inviolabiliter observari, ac singulos, quos ipse praesentes concernunt, illis pacifice gaudere, non permittentes eos desuper per quoscumque contra praesentium hujusmodi tenorem quomodolibet molestari. Nos enim eis, & eorum cuilibet, quos, quibus, quoties, & quando opus fuerit, citandi, & sub censuris aliisque poenis in forma consueta inhibendi, nec non contradictores quoscumque per similes sententias, censu-

ras, & poenas appellatione postposita (servata tamen forma Concilii Tridentini) competendi, brachiumque seculare, si opus fuerit, invocandi, plenam, liberam Apostolica auctoritate praedicta earumdem tenore praesentium concedimus facultatem. §.8. Non obstantibus ejusdem Bonifacii Praedecessoris de una, & Concilii generalis de duabus dictis, dummodo ultra tres dietas aliquis extra suam Civitatem, vel Dicecesim vigore ipsarum praesentium ad iudicium non trahatur, aliisque Constitutionibus, & Ordinationibus Apostolicis, nec non dicti Ordinis juramento, confirmatione Apostolica, vel quavis firmitate alia roboratis Statutis, & consuetudinibus, privilegiis quoque, Indultis, & literis Apostolicis illis, ejusque Superioribus, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, etiam Motu proprio, & consistorialiter, ac aliis in contrarium quomodolibet concessis, confirmatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illis aliis in suo robore permanentibus, hac vice dumtaxat harum serie latissime, & plenissime, ac specialiter, & expresse derogamus, ceterisque contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem. §.9. Et quia difficile foret praesentes literas ad singula loca ubi necesse fuerit deferri, volumus, & apostolica auctoritate praedicta decernimus, quod earumdem praesentium transumptis, etiam impressis, manaque, ac sigillo pro tempore existentis Magistri Generalis ipsius Ordinis, seu Vicarii subscriptis, munitis, eadem fides tam in iudicio, quam extra adhibeatur, quae praesentibus adhiberetur si forent exhibita, vel ostensa. §.10. Nulli ergo omnino hominum liceat, hanc paginam nostrarum absolutio- nis, approbationum, confirmationum, innovationis, concessionum, roboris, adiectionis, defectuum suppletionis, concessio- nis, indulti, impartitionis, voluntatis, sup- positionis, subiectionis, decreti, mandati, & derogationis praedictorum infringere, vel ei ausu temerario contraire. Siquis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romae apud Sanctum Marcum, Anno Incarnationis Dominicae 1606. 12. Kalcen. Septembris Pontif. Nostri Anno II. Re-

Causula con- tratorum de- rogatoria.

Transumptio- rum fides.

Sanctio pra- nalis.

Dat die 12. Aug. 1606. An. II.

Revocatio facultatum Superioribus quoruncumque Ordinum Regularium quocumque modo concessarum, cognoscendi causas suorum subditorum, ad officium Sanctae Inquisitionis contra haeticam pravitatem quomodolibet pertinentes.

Concordat Constit. LVI. Alexandri IV. Ne commiss. Tom. III. fol. 393.

PAULUS EPISCOPUS

SERVUS SERVORUM DEI

Ad perpetuam vel memoriam.

Exordium

Romanus Pontifex ea interdum, quae a Praedecessoribus suis temporum, & rerum qualitate id tunc exposcente, provide pro haesum extirpatione sancita sunt, novis emergentibus rationibus revocat, & immutat, aliaque desuper disponit, & ordina- prout in Domino salubriter conspiciat expedire.

Pius IV. iuste Inquisitores procedere extra quoscumque locales dummodo ab eorum Superioribus non esse praeventum.

§.1. Dudum siquidem fel. rec. Pius Papa Quartus Praedecessor noster sua perpetuo valitura Constitutione statuit, ordinavit, & declaravit, quod ex tunc deinceps in omnibus Christiani Orbis partibus Inquisitores haereticam pravitatis tam generales, quam in quibusvis Provinciis, Civitatibus, Oppidis, Terris, & locis pro tempore deputati particulares, contra omnes quorumcumque Ordinum etiam exemptorum, & Mendicantium professores, & religiosos, ac tam alios quoscumque quovis modo privilegiatos, & exemptos, de haereticis crimine quomodolibet suspectos, aut culpabiles, dummodo ab eorum professorum, & Religioforum Superioribus, vel Praelatis in causis hujusmodi praeventi non fuissent, iuxta facultates officii Inquisitionis ipsius pravitatis inquirere, & procedere, ac culpabiles, & delinquentes reprobos secundum canonicas sanctiones castigare, atque punire possent, & valeret, ac alias prout in literis ipsius Pii Praedecessoris latius conetur.

Hic modo Pontifex facultatem quibuscumque Ordinibus Praelatis cognoscendi causas Regularium ad officium Inquisitionis spectantes quomodocumque concessam revocavit.

§.2. Cum autem rerum usu comper- tum sit, occasione praeventio- num hujusmodi, nonnulla interdum impedimenta orta esse, quominus cause hujusmodi ea, qua decet diligentia, cognoscantur, Nos de consilio Venerabilium Fratrum nostrorum Sanctae Romanae Ecclesiae Cardinalium contra haeticam pravitatem generalium Inquisitorum illa de medio tollere volentes, Motu proprio, & ex certa scientia nostra, ac matura deliberatione, hac nostra etiam perpetuo valitura Constitutione, omnia, & quaecumque privilegia, indulta, facultates, & concessionem Generalibus, Superioribus, & Praelatis quorumcumque Ordinum, sive Mendicantium, sive Clericorum Regularium, cujusvis Ordinis, & Instituti, etiam in dicta Constitutione non expressorum, & quantumvis exemptorum, & quocumque Bull. Rom. Tom. IV. Par. III.

nomine nuncupatorum, per dictum Pium, ac quoscumque Romanos Pontifices Praedecessores nostros, & Sedem Apostolicam concessa, approbata, & innovata, & quantumvis etiam longissimo tempore observata, causas ad dictum officium quovis modo spectantes cognoscendi, & terminandi, seu in illis quoquo modo se intromittendi, quorum omnium, & singulorum tenores, etiam si de illis specialis, & expressa mentio habenda esset, praesentibus pro plene, & sufficienter expressis, & insertis habentes, Apostolica auctoritate tenore praesentium perpetuo cassamus, revocamus, & abolemus, ipsisque Generalibus, Superioribus, & Praelatis, ut de cetero quovis quaesito colore, vel praetextu praeventio- nis, vel consuetudinis, & praescriptio- nis immemorabilis, seu cognoscendi, an delationes hujusmodi calumniosae sint, necne in eisdem causis, tam motis, quam movendis, quoquo modo se intromittere, seu immiscere, denunciations recipere, testes examinare, processus conficere, causas ipsas cognoscere, definire, vel terminare minime audeant, seu praesumant, simili auctoritate districtius inhibemus.

Regulares omnes Ordinarios, & Inquisitores libere censurati mandant.

§.3. Volentes, & expresse mandantes, ut ipsi Religiosi possint, & debeant omnes, etiam Ordinum hujusmodi professores de haesi suspectos, Inquisitoribus, vel Ordinariis locorum vicinioribus libere denunciare, absque eo quod Superiores praedicti personas denunciandas, & causas perquire- re, vel quoquo modo id impedire, vel retardare audeant, seu praesumant.

Et causas coram ipsis Praelatis pendentes Inquisitoribus, & Ordinariis committit.

§.4. Insuper omnes, & quascumque causas ad dictum officium quomodolibet spectantes, & pertinentes, coram Generalibus, Superioribus, & Praelatis hujusmodi in quibuscumque locis existentibus, ac contra quoscumque Religiosos, ut praefertur, exemptos, motas, & pendentes, ad Nos harum serie avocamus, easque omnes in statu, & terminis, in quibus de praesenti reperiuntur, ipsius pravitatis Inquisitoribus, vel Ordinariis locorum vicinioribus terminandas committimus.

Praelatos de transmittendo omnia acta, & omnes regulas de haesi suspectos iisdem Ordinariis, & Inquisitoribus monet.

§.5. Praeterea ipsis Generalibus, Superioribus, & Praelatis pari auctoritate praecipimus, atque mandamus, ut omnes processus, & acta causarum hujusmodi Inquisitoribus, seu Ordinariis praedictis respective remittant, & consignent; necnon Professores, Fratres, & Religiosos supradictos, quos haereticis labe infectos, vel suspectos, etiam in visitatione esse noverint, absque alia consultatione cum propriis Superioribus facienda, eisdem Inquisitoribus, vel Ordinariis locorum vicinioribus respective denuncient.

Contravenientibus poenas imponit.

§.6. Quod si Generales, alique praedicti praesentibus literis non paruerint, eos omnes privationis quarumcumque dignitatum, seu praelaturarum, vel officiorum suorum Ordinum, ac vocis activa, & passiva, perpetuaeque inhabilitatis ad eadem, necnon contra fautores haeticorum, & impedidores officii statutas, & inflictas poenas

Clausulas hujus Bullae praeferivas apponit.

nas, aliasque censuras ecclesiasticas etiam excommunicationis majoris latae sententiae, a qua non nisi a Nobis, vel a Romano Pontifice pro tempore existente, praeterquam in mortis articulo, absolutionis beneficium valeant obtinere, eo ipso incurrisse.

§.7. Nec non praesentes literas, licet Generales, Superiores, & Praelati praedicti, aut quicumque alii quavis auctoritate, dignitate, vel officio, seu honore fulgentes in praemissis quomodolibet interesse habentes, vel habere praetendentes ad hoc vocati non fuerint, semper, & perpetuo validas, & efficaces existere, suosque plenarios, & integros effectus sortiri, & obtinere, ac ab omnibus inviolabiliter observari: Sicque per quoscumque Judices, & Commissarios, quavis auctoritate fungentes, etiam Sanctae Romanae Ecclesiae Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari, decernimus, & declaramus.

Clausulas de rogator as addit.

§.8. Non obstantibus praedicta, & quibusvis aliis Constitutionibus, & Ordinationibus Apostolicis, nec non Ordinum, & Institutorum quorumcumque juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, etiam mare magnum, vel alias quomodolibet nuncupatis, eisdem Ordinibus, eorumque Generalibus, Superioribus, & Praelatis, ac personis, etiam per quoscumque Romanos Pontifices Praedecessores nostros, ac Sedem praedictam, & per Nos quovis modo concessis, confirmatis, & iteratis vicibus approbatis, & innovatis. Quibus, ac aliis omnibus, quae praesentibus quomodolibet obviare possent, etiam si de illis, eorumque totis tenoribus specialis, specifica, & expressa, ac individua, & de verbo ad verbum, non autem per clausulas generales idem importantes, seu quavis alia expressio habenda, aut aliqua alia exquisita forma ad hoc servanda foret, eorum tenores pro plene, & sufficienter praesentibus expressis, & totaliter insertis habentes, illis alias in suo robore permanentibus, hac vice dumtaxat specialiter, & expresse derogamus, caterisque contrariis quibuscumque.

Formam, & effectum publicationis praescribit.

§.9. Ut autem praesentes literae ad omnium notitiam deducantur, neve aliquis ignorantiam earum praetendere, aut contra eas se excusare valeat, illas in valvis Sancti Joannis Lateranensis, & Principis Apostolorum Basilicarum de Urbe, necnon Cancellariae Apostolicae, ac in acie Campi Florae de more affigi, & publicari, earumque exempla inibi affixa dimitti, ac post publicationem hujusmodi omnes, & singulos, quos concernunt, & concernent in futurum perinde ardeant, & afficiant, ac si eorum cuilibet personaliter intimata fuissent.

§.10. Quodque earum transumptis, etiam impressis, Notarii publici manu subscriptis, & sigillo alicujus Praelati, seu personae in dignitate ecclesiastica constitutae munitis, eandem prorsus fidem in iudicio, & extra, ubique gentium, & locorum adhiberi volumus, & mandamus, quae eisdem originalibus literis adhiberetur, si essent exhibitae, vel ostensa. Et nihilominus, ut ad majorem notitiam singularum, & quorumcumque Religiosorum praedictorum praesentes deveniant, etiam volumus, & in virtute sanctae obedientiae praecipimus, & mandamus Generalibus, Superioribus, & Praelatis praedictis, ut in primis proximis futuris Capitulis, seu Congregationibus Provincialibus, vel Generalibus cujuscumque Provinciae tam in Italia, quam extra, praesentes nostras literas legi, & publicari faciant, & procurent.

§.11. Nulli ergo omnino hominum liceat hanc paginam nostrae cassationis, revocationis, abolitionis, inhibitionis, mandatorum, avocationis, commissionis, praceptorum, decreti, declarationis, derogationis, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud Sanctum Marcum Anno Incarnationis Dominicae millesimo sexcentesimo sexto, Kalend. Septembris, Pontificatus nostri Anno II.

XLIX.

Facultas quaerendi eleemosynas de licentia ab Ordinariis gratis obtinenda, Confratribus Confraternitatis Tononii prope Genevam instituta ad conversionem Haereticorum conceditur, & hujusmodi Confratres dictis Ordinariis commendantur.

PAULUS PAPA QUINTUS

Venerabilibus Fratribus Patriarchis, Archiepiscopis, Episcopis, ac dilectis filiis Abbatibus, Prioribus, Praepositis, Decanis, Archipresbyteris, Plebanis, caeterisque Locorum Ordinariis, & Ecclesiarum Rectoribus, eorumque respective Vicariis, & Officialibus in spiritualibus generalibus, ad quos praesentes literae pervenerint, salutem, & Apostolicam benedictionem.

Vices illius, quanquam immeriti, gerentes in terris, qui propter nimiam charitatem suam, qua dilexit Nos, de folio caelestis gloriae ad infima hujus Mundi descendens venit salvare, quod perierat, nihil praetermittere debemus, quod reducendis ad ejus ovile dispersis ovibus conducatur.

§.1. Cum igitur, sicut accepimus, ostendente

Transumptis credi jubet.

Praesentes in Capitulis publicanda.

Sanctio poenalis.

Dat. die 7. Septem. 1606. An. II.

Ex Regest. in Secret. Brev.

Exordium.

Erecta Tononii Confraternitas ad curandam Haereticorum conversionem.

Confratres petunt concedi sibi facultate eleemosynas quaerendi a Catholicis.

Conceditur de licentia Ordinariis & sub legibus nonnullis.

Ordinatio locorum ut Confratres praesentibus sint monentur.

te Domino divitias misericordiae suae, per ministerium servorum suorum prope Genevam osium apertum sit haereticorum conversioni, & ad eam operandam pia quadam Domus, ac Sodalitas, seu Confraternitas sub titulo Beatae Mariae Compassionis in Oppido Tononii instituta, & in aliis haereticorum locis in dies propagetur, magno cum fructu, & augmento Catholicae Religionis, quippe quae multa, ac varia egregia opera ad subversos reducendos ad veritatem peragat, eam omni studio, & favore prosequi, quantum in Domino possumus, conamur.

§.2. Quoniam vero multos, grandaeque sumptus in eandem quotidie fieri necesse est, qui longe impares sunt viribus suis, piis fidelium eleemosynis indiget; Quamobrem Confratres dictae Confraternitatis Nobis humiliter supplicari fecerunt, aut eleemosynam quaerere in locis omnibus Catholicae Religionis illis facultatem concedere, & vobis commendare hoc sanctum ministerium dignaremur.

§.3. Quapropter dictos Confratres ab omnibus excommunicationis, suspensionis, & interdicti, aliisque ecclesiasticis censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum, harum ferie absolventes, & absolutos fore censentes, ut ubique locorum Catholicae Religionis eleemosynas per se, vel per alios quaerere libere possint, tenore praesentium iis concedimus, & indulgemus; ita tamen, ut licentiam a vobis obtinere debeant gratis expensandam, & servent conditiones infra scriptas.

§.4. Ac licet Fraternitatibus vestris, Venerabiles Fratres, ac Discretionibus vestris, dilecti filii, promptum esse animum, & sponte se exhibere in causis Dei, & talibus causis confidamus, tamen pro pastoralis officio piis eorum precibus annuentes, vos ita per praesentes, quantum cum Domino possumus, enixe hortamur, ut per viscera misericordiae Dei nostri non solum ea solatia, quae vos ultro decet impendere nostris quoque literis provocati libenter impendatis, & Collectores supradictae Domus, & Confraternitatis benigne excipiat, sed etiam omnibus Christianis fidelibus, ut benigne excipiant, tamquam strenuos messis dominicae operarios, & animarum salutis prudentes negotiatores in caritate Dei diligenter commendatis, aut commendare faciat; ac simul, quantum in Domino poteritis, sedulam detis operam, ut unusquisque Apostolici hujus ministerii officii facultatibus suis pro viribus juvet, & eleemosynam large illi tribuat, quasi benedictionem, non tamquam avaritiam: Indicantes omnibus, quam mercedem sint a Domino accepturi. Monemus autem unumquemque vestrum, & in virtute sanctae obedientiae districte praecipiendo mandamus, ut omni cura, ac studio provideatis, ne ullo loco, aut tempore opportune quomodolibet dicti

Collectores, vel eorum Ministri, & Adjuutores, seu Substituti in officio impediatur, aut molestentur, vel ut hujusmodi eleemosynae quacumque occasione solita, vel opportuna ad eleemosynam colligendam non colligantur, ne ab illo quovis praetextu committatur. Ac praeterea, ut requisiti personas deputatis Ecclesiasticas, quae iis ad quaerendas eleemosynas adjuvamento sint, & ubi fuerit opus, assistant, nec non etiam, ut qui sese Confraternitati praedictae aggregare voluerint, libere, & absque ullo impedimento hoc facere valeant.

§.5. Volumus autem, ut ne quid contra sacrorum Canonum voluntatem, & Concilii Tridentini Decreta in quaerendis hujusmodi eleemosynis indecenter, aut alias quomodocumque committatur, a Vobis diligenter curari, ut personae, quae illas colligent, sint honestae vitae, & spectatae religionis, & unius cujusque vestri iudicio in sua Dioecesi approbatae, non participes eleemosynarum, sed hoc munere absque dolo, & fraude summa cum modestia fungantur; Quae nomen nullo modo gerant, sed eleemosynarum Collectores: dum quaerunt, sua privilegia secum non ferant, nec reliquias: non largiantur imagines, candelas, aliudve quidpiam simile: minis, aut imprecationibus fideles non inducant ad eleemosynas tribuendas. Non petant tamquam debitum, aut solitum, neque ulla arte, aut praetextu dicendo cuiusvis Sancti orationem, aut aliter pecuniam, vel alia bona extorqueant: sed simpliciter petendo eleemosynas, accipiant, quod datur: nullam super iis quovis nomine conventionem ineant, etiam in utilitatem Confraternitatis, atque haec omnia, & singula, ut praecise, & inviolabiliter serventur, & illud praecipue, super quo vestram conscientiam oneramus, ut quicquid harum eleemosynarum nomine collectum fuerit, in dictae Domus, & Confraternitatis, quocumque loco existant, & in operis praedicti usum vere, & cum effectu, sine diminutione convertatur, tenore praesentium vobis praecipimus, & mandamus, sub poenis arbitrio nostro.

§.6. Non obstantibus Apostolicis, ac in universalibus, provincialibus, & synodalibus Conciliis editis generalibus, vel specialibus Constitutionibus, & Ordinationibus, ac statutis, & consuetudinibus, etiam juramento, confirmatione Apostolica, vel quavis firmitate alia roboratis, & aliis contrariis quibuscumque.

§.7. Volumus autem, ut harum exemplis, etiam impressis, ac manu alicujus personae in dignitate ecclesiastica constitutae, & sigillo ejusdem munitis fides eadem habeatur, quae praesentibus haberetur, si forent exhibitae, vel ostensa.

Datum Romae apud Sanctum Marcum sub Annulo Piscatoris die 4. Septem. 1606. Pontificatus nostri Anno II.

Modus colligendi eleemosynas praescribitur.

Derogatio contrarium.

Fides danda transumptis.

Dat. die 7. Septem. 1606. An. II.

Quod

L.  
Quod Fratres Congregationis Cappuccinorum, Ordinis Sancti Francisci, in Regnis Hispaniarum, servata forma sacrorum Canonum, & Concilii Tridentini, ceteris non obstantibus, nova loca recipere possint.

Congregationem istam approbavit Clem. VII. in sua Constit. XXIV. Religionis. Tom. IV. Par. I. fol. 73.

PAULUS PAPA V.

Ad perpetuam rei memoriam.

Exordium.  
A Duberes, & suaves fructus, quos dilecti filii Congregationis Cappuccinorum, Ordinis Sancti Francisci Fratres in Ecclesia militanti, cujus regimini divina disponente clementia praesidemus, in dies afferunt, mentis nostrae aciem convertentes, ac uberores ex ipsa Congregatione fructus in dies proventuros esse sperantes, ad ea merito libenter intendimus, quae ipsius Congregationis Cappuccinorum augmento conducere possunt, quae vero illi in hoc impedimentum aliquod afferre dignoscuntur, e medio tollere procuramus, prout in Domino salubriter conspicimus, expedire.

§. 1. Idcirco supplicationibus pro parte Procuratoris Generalis praedicti Ordinis Nobis super hoc humiliter porrectis inclinatis, de consilio Venerabilium Fratrum nostrorum Sanctae Romanae Ecclesiae Cardinalium negotiis regularium praepositorum, ejusdem Ordinis Fratrum Cappuccinorum Superioribus, ut ubique locorum in Regnis Hispaniarum, nova Monasteria, seu Domos, servata tamen forma in iis recipiendis Sacrorum Canonum, & Concilii Tridentini, accipere libere, & licite valeant, Apostolica auctoritate, tenore praesentium, licentiam, & facultatem concedimus, & indulgemus.

§. 2. Non obstantibus fel. rec. Clementis Papae Octavi Praedecessoris nostri, quae incipit: Quoniam ad instanciam, sub datum Romae apud Sanctum Marcum, sub Annulo Piscatoris, die 23. Junii 1603. Pontificatus sui Anno XII., aliisque Constitutionibus, & Ordinationibus Apostolicis, & cujusvis alterius Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis quibusvis aliis Ordinibus, ac eorum Superioribus, & personis, sub quibuscumque verborum formis, & tenoribus in contrarium praemissorum quomodolibet concessis, confirmatis, & approbatis. Quibus omnibus, & singulis, eorum tenores praesentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

§. 3. Volumus autem, ut praesentium Notarii publicis subscriptis, & sigillo alicujus personae in dignitate Ecclesiastica con-

stituta munitis eadem prorsus fides adhibeat, ut, quae ipsis praesentibus adhiberetur, si forent exhibitae, vel offensae.

Datum Romae apud Sanctum Marcum sub Annulo Piscatoris die 5. Septembris 1606. Pontificatus nostri Anno II.

Dat. die 5. Septembris 1606. An. II.

L I.

Facultas Nuncio Franciae pro tempore existenti deputandi singulis triennis Sacerdotem secularem in Visitatorem Monasterii Monialium Carmelitarum Discalceatarum Parisien., & aliorum Monasteriorum Regni Franciae tam erectorum, quam erigendorum ejusdem Ordinis.

Ex Regest. in Secret. Brev.

Venerabili fratri Mabaeo Archiepiscopo Nazareno nostro. & Apostolicae Sedis apud charissimum in Christo filium nostrum Henricum Francorum Regem Christianissimum Nuncio, & pro tempore existenti.

PAULUS PAPA V.

Ven. frater salutem, & Apostolicam benedictionem.

§. 1. Cum alias fel. recordat. Clemens Papa VIII. Praedecessor noster Monasterium Monialium Ordinis Carmelitarum Discalceatorum in Civitate Parisien. tunc novissime erectum, ejusque Abbatissam, seu Priorissam, & Conventum ab Ordinarum loci jurisdictione, & superioritate exemerit, ac Sedi Apostolicae immediate, ac visitationi Commissarii Generalis Ordinis Fratrum Carmelitarum Discalceatorum subjecerit; Et quia tunc dictus Ordo Fratrum Carmelitarum Discalceatorum in Regno Franciae nondum erat, prout adhuc, ut asseritur, non est institutus, voluerit idem Clemens Praedecessor, ut quousque Ordo praedictus in dictum Regnum introduceretur, Monasterium praedictum visitationi, & correctioni Generalis Ordinis Carthusien., ac Administrationi trium nominatorum in literis Apostolicis super erectione ipsius Monasterii expeditis subiectum esset, prout in illis plenius continetur.

Clem. VIII. hoc Monasterium Sedi Apostolicae immediate subjecit.

Ejusque visitationem generali Carthusianorum visitationi commisit.

§. 2. Cumque, sicut accepimus, praedictus Generalis Carthusianorum vigore decreti in Capitulo generali dicti Ordinis celebrato onus hujusmodi recusaverit; Nos ne Monasterium praedictum aliquod in spiritualibus detrimentum patiat, oportune pro nostro pastoralis munere providere volentes, ac de tua prudentia, fide, & integritate plurimum in Domino confisi, tibi, ut singulis triennis, donec aliud a Nobis, & Apostolica Sede mandatum fuerit, etiam si dicti Fratres Carmelita Discalceati tunc forsitan Parisiis, vel in aliis Civitatibus, & locis Regni Galliarum Conventus obtineant, vel imposterum assequantur, unum Sacerdotem secularem aetate gravem, vitae probitate spectatum ex duobus tibi nominandis, ac praesentandis per praedictos Admi-

Eo autem hoc munus recusat datur Nuncio Apostolico facultas Visitatoris deputandi.

Cappuccini in Regnis Hispaniarum nova loca recipere possunt.

Non obstantibus Bulla Clementis VIII., & aliis contrariis quibuscumque.

Transumptis hujus Bullae data fides.

Administratores in visitatorem dicti, & aliorum Monasteriorum Monialium Carmelitarum Discalceatorum in dicto Regno Franciae erectorum, vel imposterum erigendorum deputare, ac illum sic deputatum tuo arbitrio etiam infra triennium revocare, ac finito triennio ad aliud triennium, non tamen ultra, confirmare, auctoritate nostra Apostolica possis, & valeas, eadem auctoritate facultatem, & auctoritatem concedimus, & impertimur.

Facultates hujusmodi Visitatori conceduntur.

§. 2. Eidem vero visitatori, sic, ut praemittitur, a te deputato, praedictum, nec non etiam quaecumque alia ejusdem Ordinis Carmelitarum Discalceatorum in toto Galliarum Regno nunc, & pro tempore consistentia Monasteria, eorumque Superiores, Abbatissas, seu Priorissas, ac Moniales, & alias personas in eis degentes visitare, ac tam capite, quam in membris corrigere, & reformare, ac in singularum vitam, ritus, mores, & disciplinam diligenter inquirere, nec non Evangelicae, & Apostolicae doctrinae, sacrorumque Canonum, & Conciliorum generalium decretis, Sanctorumque Patrum traditionibus, ac regularibus dicti Ordinis institutis inhaerendo, quaecumque mutatione, correctione, reformatione, emendatione, revocatione, renovatione, aut etiam ex integro editione indigere cogoverit, mutare, corrigere, reformare, emendare, revocare, renovare, & de novo constituere, condita sacris Canonibus, & Concilii Tridentini decretis, ac regularibus institutis dicti Ordinis non repugnantia confirmare, abusus quoscumque tollere, bonas, & laudabiles institutiones, ac in primis divinum cultum, monasticam disciplinam, & observantiam regularem, ubicumque exciderint, modis congruis restituere, ac ipsas Moniales, & alias personas praedictas ad regularis clausurae formam, ac debitum, & honestum vitae modum reducere, si aliquas in aliquo delinquentes repererit, eas juxta canonicas sanctiones, & regularia instituta dicti Ordinis punire, & castigare; quaecumque vero graviora repererit, ea in scriptis redacta ad Nos diligenter deferri facere, ac quascumque rebelles, & praemissis non parentes per censuras, & poenas ecclesiasticas, aliaque opportuna juris, & facti remedia, appellatione postposita, compescere, ac legitimis super his habendis servatis processibus, censuras, & poenas ipsas, etiam iteratis vicibus aggravare, interdictum Ecclesiasticum apponere, ac etiam, si opus fuerit, auxilium brachii secularis invocare, omniaque alia, quae visitationem, & reformationem concernunt, pro dictorum Monasteriorum, eorumque Monialium prospero statu dirigendo necessaria, & opportuna facere, & exequi possit, & valeat, auctoritate praedicta, tenore praesentium similiter facultatem, concedimus, & impertimur.

§. 3. Eidem vero visitatori, sic, ut praemittitur, a te deputato, praedictum, nec non etiam quaecumque alia ejusdem Ordinis Carmelitarum Discalceatorum in toto Galliarum Regno nunc, & pro tempore consistentia Monasteria, eorumque Superiores, Abbatissas, seu Priorissas, ac Moniales, & alias personas in eis degentes visitare, ac tam capite, quam in membris corrigere, & reformare, ac in singularum vitam, ritus, mores, & disciplinam diligenter inquirere, nec non Evangelicae, & Apostolicae doctrinae, sacrorumque Canonum, & Conciliorum generalium decretis, Sanctorumque Patrum traditionibus, ac regularibus dicti Ordinis institutis inhaerendo, quaecumque mutatione, correctione, reformatione, emendatione, revocatione, renovatione, aut etiam ex integro editione indigere cogoverit, mutare, corrigere, reformare, emendare, revocare, renovare, & de novo constituere, condita sacris Canonibus, & Concilii Tridentini decretis, ac regularibus institutis dicti Ordinis non repugnantia confirmare, abusus quoscumque tollere, bonas, & laudabiles institutiones, ac in primis divinum cultum, monasticam disciplinam, & observantiam regularem, ubicumque exciderint, modis congruis restituere, ac ipsas Moniales, & alias personas praedictas ad regularis clausurae formam, ac debitum, & honestum vitae modum reducere, si aliquas in aliquo delinquentes repererit, eas juxta canonicas sanctiones, & regularia instituta dicti Ordinis punire, & castigare; quaecumque vero graviora repererit, ea in scriptis redacta ad Nos diligenter deferri facere, ac quascumque rebelles, & praemissis non parentes per censuras, & poenas ecclesiasticas, aliaque opportuna juris, & facti remedia, appellatione postposita, compescere, ac legitimis super his habendis servatis processibus, censuras, & poenas ipsas, etiam iteratis vicibus aggravare, interdictum Ecclesiasticum apponere, ac etiam, si opus fuerit, auxilium brachii secularis invocare, omniaque alia, quae visitationem, & reformationem concernunt, pro dictorum Monasteriorum, eorumque Monialium prospero statu dirigendo necessaria, & opportuna facere, & exequi possit, & valeat, auctoritate praedicta, tenore praesentium similiter facultatem, concedimus, & impertimur.

§. 4. Non obstantibus praemissis, ac Apostolicis, nec non in Provincialibus, Synodalibus, & generalibus Conciliis editis generalibus, vel specialibus Constitutionibus, & Ordinationibus, ac dictorum Monasteriorum, & Ordinis hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Monasteriis, & Ordini, eorumque Superioribus, Abbatissis, Priorissis, & Monialibus, ac quibusvis aliis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis Decretis in contrarium praemissorum quomodolibet concessis, confirmatis, & approbatis. Quibus omnibus, & singulis eorum tenores praesentibus pro expressis, & ad verbum insertis habentes, illis alias in suo robore permansuris, hac vice dumtaxat, specialiter, & expresse derogamus, ceterisque contrariis quibuscumque.

Datum Romae apud Sanctum Marcum sub Annulo Piscatoris die 9. Septembris 1606. Pontificatus nostri Anno II.

Dat. die 9. Septembris 1606. An. II.

LII.

Jurisdictioni, & facultates Auditoris Curiae causarum Rev. Camerae Apostolicae.

Hoc officium antiquissimum, & praestantissimum est, & vetustior Bulla, quae de speciali hujus Tribunalis jurisdictione haberi potuit; est Constitutio. IX. Innocentii VIII. Apprime. Tom. III. Par. III. fol. 206. Ultra quam posui aliam Pii IV. Constit. XL. Ad eximiam. Tom. IV. Par. II. fol. 80., ut quisque ex illis, & ista dignoscatur, quam aucta sit hujus Auditoris jurisdictioni.

Hujus autem Tribunalis reformationem, primo edidit Pius IV. in Constit. LXVI. Inter multiplices. ibid. fol. 125. Et deinde Pius V. in Constit. CLVII. Inter illa. Tom. IV. Par. III. fol. 133.

PAULUS EPISCOPUS

SERVUS SERVORUM DEI

Dilecto filio Magistro Petro Paulo Crescentio Presbytero Romano, utriusque Juris Doctori, causarum Curiae Camerae Apostolicae generali Auditori, Notario, & Familiari nostro, salutem, & Apostolicam benedictionem.

Exordium.  
Eximiae fidelitatis, & prudentiae, nec non onerosae, ac gratae devotionis, & familiaritatis obsequia, quae Nobis, & Apostolicae Sedi jam dudum impendisti, & de praesenti assiduis studiis impendere non desistis, generis quoque nobilitas, literarum scientia, & ingentes animi dotes, quibus clarere dignosceris, jam exinde conceptam in Nobis spem, & expectationem majorem accendunt, ac pollicentur haud dubie, quod ea, quae tibi etiam de cetero duxerimus committenda, etiam quam maxima, arduaque

Derogatio contrarium